



Adresa: **Ul. Hamdije Čemerlića 39a**
71000 Sarajevo
<http://www.voda.ba>

Broj: **30-780-4/21**

Sarajevo, 30.7.2021. godine

Int. br. nabavke: **30-238-6/21**

tel. +387 33 726 400
fax. +387 33 726 423
e – mail: info@voda.ba

Na osnovu člana 18. stav 1. i člana 21. stav (1) tačka a) Zakona o javnim nabavkama BiH (Službeni glasnik BiH, broj: 39/14), člana 47. Statuta "Agencije za vodno područje rijeke Save" Sarajevo, donosim

ODLUKU

o pokretanju postupka javne nabavke radova – Pregovarački postupak bez objave obavjesti o nabavci

"Dodatni radovi na projektu: Regulacija korita rijeke Bosne u općini Novi Grad Sarajevo, dionica od petlje Butile do ušća Miljacke"

Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku radova čiji je predmet **Dodatni radovi na projektu: Regulacija korita rijeke Bosne u općini Novi Grad Sarajevo, dionica od petlje Butile do ušća Miljacke.**

Član 2.

Procjenjena vrijednost javne nabavke iznosi 42.735,00 KM (slovima: četrdesetdvijehiljadesedamstotridesetpet konvertibilnih maraka) bez PDV-a. Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2021. godinu, ekonomski kod 6148193149, stavka Plana C.1.49..

Član 3.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

Član 4.

Ova odluka stupa na snagu danom donošenja.

Obrazloženje

"Agencija za vodno područje rijeke Save" Sarajevo već dugi niz godina učestvuje u realizaciji projekta uređenja korita i obala rijeke Bosne u Sarajevskom polju. Radovi koji su predmet ove informacije se izvode prema Glavnom projektu Uređenje rijeke Bosne na magistralnom putu M-17 do Plandišta urađenom od strane Institut za hidrotehniku GF Sarajevo, septembra 2009. godine i novelaciji projekta Uređenje rijeke Bosne na magistralnom putu M-17 do Plandišta urađenom od iste firme u decembru 2016. godine. Radove izvodi firma „Harysco“ d.o.o. Sarajevo po ugovoru broj: 30-261-14/20 od 04.05.2020.godine. Ukupna vrijednost radova po ovom ugovoru je 795.559,19 KM sa PDV-om.

Radovi po osnovnom ugovoru se izvode prema revidovanom glavnom projektu „Uređenje rijeke Bosne od mosta na magistralnom putu M-17 do Plandišta“ iz 2009. godine po kojem se u prethodnom periodu izvelo ukupno 9 dionica rijeke Bosne i ušća njenih pritoka u Bosnu, od profila P174 do P74, ukupne dužine više od 5 kilometara.

Obzirom da su radovi na desetoj ugovorenoj dionici od P69 do P74 u završnoj fazi nadzorni organ je izvršio detaljan pregled investiciono-tehničke dokumentacije koji je upoređen sa stanjem na terenu i utvrđena su odstupanja projektovanih količina u odnosu na količine koje je potrebno izvesti. Razlike su se pojavile na nekim pozicijama zemljanih i betonskih radova i to: nasipanje materijala na uređenju obala od probranog materijala iz iskopa za zatrpavanje napuštenih dijelova korita i uklapanje u postojeće korito rijeke Bosne (cca 8.000 m³), odvoz viška materijala iz iskopa i planiranje na deponiju udaljenosti do 5 km (cca 9.700 m³) i štemanje betonskog temelja mosta stare željezničke pruge iz korita rijeke koji prije početka radova nije bio vidljiv (cca 20 m³). Procijenjena vrijednost za navedene neohodne radove iznosi cca 50.000,00 KM sa PDV-om.

Nadzorni organ Institut za građevinarstvo „IG“ Banja Luka je svojim dopisom broj DO-IGBL-IN-OS-2323/21 od 16.07.2021. upozorio na hitnost rješavanja ovih problema i dao procjenu potrebnih sredstava za ove intervencije u prostoru za okončanje svih potrebnih radova na ovom projektu. Navedeni izvještaj dostavljam u prilogu ovog prijedloga.

S obzirom da se radi o dodatnim radovima i aktivnostima koje se u trenutku zaključivanja ugovora nisu mogle predvidjeti, isti nisu uključeni u prvobitno razmatrani projekat. Takođe traženi radovi se se zbog svoje prirode ne mogu tehnički ili ekonomski odvojiti od glavnog ugovora bez većih nepogodnosti za ugovorni organ, a ukupna vrijednost dodatnih radova je oko 7 % od ugovornih radova.

U cilju dosljedne primjene osnovnih principa javnih nabavki, predlažem da se za navedene radove sa aktuelnim izvođačem provede pregovarački postupak bez objave obavještenja za dodjelu ugovora za naknadne i nepredviđene radove kako bi se završili svi neophodni radovi na okončanju ovog projekta. Potrebni uslovi za to su kumulativno ispunjeni, a to su:

- Riječ je o dodatnim radovima koji nisu uključeni u prvobitno razmatrani ugovor, ali su usljed nepredviđenih okolnosti neophodni za izvršenje zajedno sa ugovorenim radovima
- Navedeni radovi se ne mogu tehnički ili ekonomski odvojiti od osnovnog ugovora bez većih nepogodnosti za ugovorni organ
- Ugovor za predmetne dodatne radove se zaključuje sa dobavljačem kome je dodjeljen osnovni ugovor
- Ukupna vrijednost dodatnih radova ne prelazi 20 % od osnovnog ugovora

Dostaviti:

- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

Sejad Delić, dipl.inž.